

**Unnuinermut akitsuut pillugu Inatsisartut inatsisissaattut siunnersuut**  
(Aningaasaqarnermut Akileraartarnermullu Naalakkersuisoq)

**Saqquummiiineq**

**Siullermeernera**

Unnuinermut akitsuutnik atuutilersitsinissamut siunnersuut Naalakkersuisut sinnerlugit matumuuna saqqummiuppara.

Inuit Ataqatigiit, Siumut, Naleraq taamanikkullu attaviitsoq unnuinermut akitsuutit atuutilersinneqarnissaannut periarfissat misissorneqassasut 2024-mut aningaasanut inatsit pillugu isumaqtigiiussummi isumaqtigiiusuteqarput. Tamanna tunngavigalugu siunnersuutigineqarpoq takornarianut unnuinermut akitsuut inummut ataatsimut unnuamut ataatsimut 30 kr. atuutilersinneqassasoq.

Naalakkersuisunut pingaaruteqarpoq, immikkoortut takornariaqarnerulerlernermik sunnerneqartut takornarissanut innuttaasunullu iluaqtaasumik tikeraanik tikittartut aqutsinissamut isumalluutnik aamma sakkussaqartinnejassasut.

Akitsuummi siunertaq tassaavoq kommunit najukkami nunallu immikkoortuani takornariartitsisarnermik ineriaortitsinissamut periarfissinnissaat. Taamaammat akiatsuummit isertitat allaffissornikkut aqutsinermut nakkutilliinermullu nunap karsianut taarsiissutit pinnagit kommunit akornanni agguaanneqartassapput. Kommunit aningaasat sumiiffinni takornariaqarnerulerlernermik sunnerneqarfiusuni pinaveersaartitsinermut il.il. imaluunniit kommunimi takornariartitsisarnerup ineriaortinngerata siuarsarneranut suliniutinut atornissaannut piginnaatinnejassapput.

Inuit nunanit allaneersuut unnuineri akitsuuserneqassapput nunatsinnilu najugallit akitsuuserneqarnatik. Tamanna atuuppoq inuussutissarsiorneq sunngiffimmiluunniit sammisaqarnissaq angalanermi siunertaanersoq apeqquaatinngagu. Tamanna ilaatigut pissaaq aaqqissuussinerup allaffissornikkut aqunneqarnera sapinngisamik ajornaatsuunissaa qulakkeerniarlugu. Ilaatigut akiatsuummit iluanaarutit takornariaqarnermut, takornarianik iluaqtaasartunut, atorneqassapput

Minnerpaaffissaanik atuutilersitsisoqassaaq, taamaalilluni neqerooruteqartoq unnuinerit 20-t amerlaqataannik 599 kr.-t sinnerlugit akiatsuummik akiliisussaappat akitsuusiisussaatitaaneq atuutilissalluni.

Akitsuut ilaatigut Europami takornariarfijissallugit nunannerineqartuni arlalinni atorneqarpoq. Kalaalllit Nunaanni akitsuutissatut siunnersuutigineqartut takornariartarnerfinni

taakkunani arlalinni akitsuutit annertoqatigaat.

Aamma takornarissanut akitsuutini akileraarutinilu pisortat karsii kisimik  
isiginiarneqassanngitsut aammali inuussutissarsiutip kissaatigineqartutut  
ineriartortinnejnarneranut tunngatillugu nalilersorneqassasut isumaqtigiiissutip ilagaa.

Siunnersuutip sukumiinerusumik allaaserineqarnera pillugu inatsisisstatut siunnersuut  
nassuaatillu naggasiullugu innersuussutigissavakka.

Taamatut oqaaseqarlunga siunnersuut Inatsisartunut suliassanngortippara.